

BOSNA I HERCEGOVINA
FEDERACIJA BOSNE I HERCEGOVINE
SREDNJOBOSANSKI KANTON
OPĆINSKI SUD U BUGOJNU
Broj: 46 0 K 110656 23 K
Bugojno, 22.03.2024. godine

U IME FEDERACIJE BOSNE I HERCEGOVINE !

Općinski sud u Bugojnu, po sutkinji Sonsirej Radivojević, uz sudjelovanje zapisničarke Maide Cetin, u krivičnom predmetu protiv optuženog E.H. zbog krivičnog djela Šumske krađe iz čl.316 st.1 Krivičnog zakona Federacije Bosne i Hercegovine¹ (u daljem tekstu KZ FBiH) po potvrđenoj optužnici Kantonalnog tužilaštva broj: T06 0 KT 0031775 22 od 07.11.2022. godine KZ F BiH, nakon javno održanog i zaključenog glavnog pretresa od dana 20.03.2024. godine, a održanog u prisustvu optuženog, te Kantonalnog tužitelja Mehe Bradića , a bez prisustva uredno obaviještenih stranaka na ročištu za objavu presude dana 22.03.2024. godine sud je donio i javno objavio:

P R E S U D U

OPTUŽENI: H.E., zvani E. sin Dž. i majke M., rođena D., rođen godine u B., nastanjen na adresi Ciglane broj 22A, B., općina B., po narodnosti, državljani BiH, JMBG:, pismen, SSS, po zanimanju trgovac, udovac, otac 4 djece, neosuđivan, drugi postupak se ne vodi

K R I V J E

Što je:

Dana 08.08.2022. godine oko 15.30 sati u državnoj šumi u mjestu "Nikolin Potok" u odjelu 165. i 166. odsjek "A" H.J. "Skrta – Nišan", Bugojno, općina Bugojno, radi krađe u šumi oborio 12 (dvanaest) stabala lišćara prečnika na panju 22cm, 22cm, 25cm, 12cm, 33cm, 21 cm, 21 cm, 17 cm, 28cm, 28cm, 36 cm i 16 cm ukupne drvne mase 2,09 m3, a zatim je istu drvenu masu preradio na dužine od jednog metra na tzv. "metrice" te u više navrata utovarao u prikolicu koja je bila zakačena na vozilo marke "Audi", crvene boje, registarskih oznaka, da bi ga konačno prilikom prijevoza drvne mase na udaljenosti od 30 do 50 metara od mjesta sječe zatekli čuvari šuma H.N. i M.K., te su od istog izuzeli drvenu masu u količini od 0,65 m3 i odvezli je na lager Šumarije, dok je sveukupna pričinjena šteta za ŠPD „Srednjobosanske šume”/ ŠGD „Šume središnje Bosne” d.o.o. Donji Vakuf, Šumariju Bugojno utvrđena u iznosu od 372,30 KM.

Dakle, radi krađe u šumi oborio više stabala, a oborena količina drveta veća od 2m3.

Čime je počinio krivično djelo “Šumska krađa” iz člana 316. stav 1. Krivičnog zakona Federacije Bosne i Hercegovine.

¹ ("Službene novine Federacije BiH", br. 36/2003, 21/2004 - ispr., 69/2004, 18/2005, 42/2010, 42/2011, 59/2014, 76/2014, 46/2016 i 75/2017)

Pa sud optuženom E.H., temeljem navedenog zakonskog propisa, te primjenom odredaba člana 42., 43., 49. i 62. KZ F BiH, a sve uz primjenu odredbe čl. 300. Zakona o krivičnom postupku Federacije Bosne i Hercegovine (u daljem tekstu ZKP FBiH) ² izriče:

U V J E T N U O S U D U

kojom se optuženom utvrđuje kazna zatvora u trajanju od 3 (tri) mjeseca , te se istovremeno određuje da se kazna neće izvršiti, ukoliko optuženi u roku od 1 (jedne) godine, računajući od dana pravomoćnosti ove sudske presude, ne počini novo krivično djelo.

Na osnovu člana 212. stav 3. Zakona o krivičnom postupku F BiH oštećena ŠPD/ŠGD Srednjobosanske šume d.o.o. D. Vakuf, Šumariji Bugojno se sa imovinsko pravnim zahtjevom upućuje na parnicu.

Na osnovu odredbi člana 199. stav (2) ZKP FBiH optuženi E.H. je dužan na ime troškova krivičnog postupka i to na ime iznosa sudskog paušala nadoknaditi iznos od 50,00 KM, u roku od 30 dana od dana pravosnažnosti presude.

O b r a z l o ž e n j e

Na osnovu odredbi člana 199. stav (2) ZKP FBiH optuženi je dužan na ime troškova krivičnog postupka nadoknaditi iznos troškova sudskog paušala nadoknaditi od 50,00 KM, u roku od 30 dana od dana pravosnažnosti presude vodeći računa o imovinskim prilikama optuženog i osobama koje je dužan izdržavati.

Zapisničarka:
Maida Cetin

S U D I J A
Sonsirej Radivojević

² ("Službene novine Federacije BiH", br. 35/2003, 56/2003 - ispravka, 78/2004, 28/2005, 55/2006, 27/2007, 53/2007, 9/2009, 12/2010, 8/2013, 59/2014 i 74/2020)